

# Xujun xi ma jahan xi kits'inntu nda postru Jua

## B'i ts'in kikjaniñaha Jua Gayo

<sup>1</sup>An xi ndacháha xuta ninku tít's'inkj'íhi xujun nda xinkj'ían Gayo. Tjo kjuaxina ji.

<sup>2</sup>Ji nda nts'ena, bankihí Nt'ianá nga xi nkú ts'in nda tísájin ni xi ts'e, b'a ta ts'in nda kasakú niyáhi ngayjee ni xi n'ei ko nga nda nistjin xi tsjáhi nga kuinchin. <sup>3</sup>At'aha tsjo nkjún kamana nk'ie nga j'aisena k'ua já nts'eé nga kitsúyana ni xi k'ie, nga tu nkú tjennkiní Nt'ianá ko nga xi nkú ts'in tisinñajin ni xi yaha ra ni xi naxu tjin. <sup>4</sup>Nga nt'e nga ntina tinchajin ni xi naxu tjin, kui nihi xi 'yún tsjana kjuatsjo.

## B'i ts'in kitsúya Jua xi nkú ts'in Gayo tsasinko xuta ninku xi j'aik'uhun

<sup>5</sup>Ji ndats'ena, t'n'ei ni xi b'a tjin nk'ie nga t'bisinkoí já nts'eé ko 'yún nkjún sa nda t'n'ei nga t'bisinkoí xi nibáha xin nanki. <sup>6</sup>Nginkun xuta ninku kitsúya já nts'eé xu'bi xi nkú ts'in tjohi. Ko nda n'ei tsa ku'isinkoí nga ts'inndjuú ngáha niyáha, at'aha b'a ts'in t'ihin nga ku'isinkaá xuta xi ts'inxát'aha Nt'ianá.

<sup>7</sup>At'aha tjoho Jesucristo, kui nga incha tsitjuhu nankihí. Najmi incha kits'inkj'íh'in ni xi ts'e xuta asuntee. <sup>8</sup>Kui b'a maha, t'ihin nga k'uaqintehe raá ni'yaná já nts'eé xi nkúhu xu'bi, tu xi ku'isinkohoná nga k'uénijmí ni xi naxu tjin.

## B'i ts'in kitsúya Jua xi nkú ch'on kits'in Diotrefe

<sup>9</sup>Kits'inkj'íhi nku xujun xuta ninku, tunga máha Diotrefe, tsjoho nga tu nku kuihi kuat'exumahá xuta ninku. Najmi tít's'inkj'íh'in xá xi tjiní. <sup>10</sup>Kui kjuaha, tsa k'fhinna yo, ts'innisihí ra ni xi tít's'in. At'aha én tsank'á t'kjesintjenneni ko ch'on ts'in t'inchjayaneni. Ko najmi tu nku ni xu'bi xi tít's'in. Ta najmi ts'inkj'íh'in já nts'eé xi bichúk'uhun. B'échjaha xi mjehe ts'inkj'íh'in já nts'eé ko m'osje ajih'in xuta ninku.

<sup>11</sup>Ji nda nts'enq, najmi tu n'ei ni xi ts'in ja ch'onk'uun. Ni xi ts'in ni ja xi nda ts'in, kui xi n'ei. Xi nda tits'in, kui xi Ntiana ts'ehē. Tunga xi ch'on tits'in, kui xi najmi kjee be Ntiana.

### **B'i ts'in kits'uya Jua nga nda tits'in Demetriō**

<sup>12</sup>Ngayjee xuta tsuya nga nda tits'in Demetriō, ko kjuaxi kja'ihin ni xi incha tsu. Ko jin ta nda chubanijmíyahani nkú nda ts'in ndo. Ji yai nga kjuaxi ni xi chubai.

### **B'i ts'in kits'inkje Jua xujun**

<sup>13</sup>Tjin nkjun sana ni xi xihin, tunga najmi mjehéna xujun k'uet'áha, <sup>14</sup>at'aha mjena kfínse xatíhi ko kuinchjanímkoho.

<sup>15</sup>Kas'ehi kjuajyu. Xi tjoho ji xi tjin ei tincha ts'inkjihi kjuasuniña, ko ta tjehin ichi kjuasuniñani nga nkúnkú xi tjoní xi tjin yo.